

### Presuda od 3.11.2015. godine

Hadžimejlić i drugi protiv Bosne i Hercegovine (aplikacije br. 3427/13, 74569/13, i 7157/14)

Podnositelji aplikacija, Zuhra Hadžimejlić, Marcel Crepulja i Esad Busovača, državljani su Bosne i Hercegovine, rođeni 1959, 1978, odnosno 1958. godine. Ovaj predmet odnosi se na njihovo zadržavanje u domu socijalnog staranja gdje su trenutno smješteni.

Sve troje aplikanata bili su liječeni zbog šizofrenije. Oduzeta im je poslovna sposobnost i svi su stavljeni su pod starateljstvo, bilo srodnika, bilo predstavnika centra za socijalni rad, i to prije ili nakon njihovog smještanja u Dom za socijalno zbrinjavanje Drin, do čega je došlo 2007. godine u slučaju gđe Hadžimejlić, 2004. godine u slučaju g. Crepulje, odnosno 1999. godine u slučaju g. Busovače.

Gđa Hadžimejlić i g. Crepulja su u odvojenim postupcima podnijeli ustavnu apelaciju osporavajući zakonitost njihovog zadržavanja u domu socijalnog zbrinjavanja. Ustavni sud Bosne i Hercegovine je utvrdio u oba slučaja, u mjesecu aprilu, odnosno junu 2013. godine, da je lišenje slobode aplikanata bilo nezakonito, budući da su bili držani na psihijatrijskom odjelu bez odluke nadležnog građanskog suda, te da su njihova prava povrijeđena zbog nepostojanja sudskog preispitivanja zakonitosti njihovog zatvaranja u dom. Ustavni sud je naredio nadležnim centrima za socijalni rad na lokalnom nivou da poduzmu mjere kako bi se osiguralo poštovanje prava aplikanata. U oba slučaja općinski sud je naknadno ispitao potrebu smještaja aplikanata u dom socijalnog zbrinjavanja i zaključio, u septembru 2014, odnosno novembru 2013. godine, da njihovo tadašnje stanje ne zahtijeva da budu kontinuirano zatvoreni u domu. Međutim, aplikatni još uvijek nisu pušteni iz doma za socijalno zbrinjavanje.

Pozivajući se u biti na član 5. stav 1. (pravo na slobodu i sigurnost) Evropske konvencije za ljudska prava, sve troje aplikanata su se konkretno žalili da je njihovo zatvaranje u domu socijalnog zbrinjavanja bilo nezakonito tvrdeći da su tamo bili držani protiv svoje volje, te da nisu mogli ishodovati puštanje iz doma; i da nije bilo sudskog preispitivanja njihovog smještaja u dom.

#### **Povreda člana 5. stav 1.**

**Pravična naknada:** 21.250 eura za gđu Hadžimejlić, 27.500 eura za g. Crepulju i 32.500 eura za g. Busovaču na ime nematerijalne štete.